

Deporte a perde otro piedra precioso di su tesoro



Tirando un bista den corant, mi wowo a cay riba anuncio di morto di **Sr. Damian Tromp**, ex futbolista di RCA. Mi a bira bisa un colega, "**mira kende a muri, Dabian Tromp.**" El a tira un bista tambe riba e anuncio y a puntra: "**kende e ta?**"

E ora ey mi a contesta cu "**bo'n ta lesa cu e ta ex futbolista di RCA. Pero no djis un ex futbolista.**" Nos ta hiba Damian mañan pa su ultimo lugar di sosiego, y asina ta perde atrobe un documentacion di nos "**hoyanan**" di deporte. Damian cu hunto cu hopi otro veterano cu a bay laga nos caba y otronan cu ainda ta na bida no tin documentacion riba nan logronan den deporte. Den tur ramo di deporte riba nos isla, pasobra no ta documentando esaki.

Damian Tromp tabata un di e futbolistanan mas grandi di nos isla, for di decada 40 di siglo pasa bin riba, te den veteranonan. Mi a mira Damian Tromp hunga, na Lago Heights den equipo di departamentonan di Lago, cu mi tata, difunto **Goy Frank**, cu **Mateo Reyes**, tambe den Lago Sport Park, y den Wilhelmina Stadion, y e ta un di e "**Grandinan**" cu tur hoben di mi tempo di mucha y teenager y despues, tabata conoce entre esnan mas grandi cu

nos isla a conoce.

Di pariba, mi a conoce cu **Juan Briezen y cu Mundo Kemp** y a sigui Damian tur ora cu ta papia di equiponan grandi, y di seleccionnan, pasobra su nomber semper tey. For di mi coleccionnan, mi a saca un potret cu ta saca for di **Esso New di juni 1941**, tempo cu Lago a anuncia cu e empleado di TSD, **Fabian Tromp** a wordo eligi como secretario di RCA despues di a ocupa e puesto como interino basta tempo. El a forma parti di e RCA cu tabata campeon di Aruba na 1938, 1939 y 1940.



Algun luna despues* na September 1941 el a forma parti di e equipo di RCA cu a hunga na Corsow. Diez di e hungadornan di RCA tabata empleadonan di Lago cu entre nan otro hoyanan di e tempo e, **Angel Chirino, Antonio Morales, Frans Kelkboom, Nicolas**

Pimienta entre otro. Nan a gana RCC 2-0, gana e soldatnan britanico staciona na Corsow 4-0 y a perde solamente un wega, 2-1 na man di Boca Juniors.

E potret ey cu **Fabian cu cabey parti mey mey tabata e imagen di e futbolista aki** pa hopi aña a pesar cu no mucho tempo despues el a cera e parti.

Mi a conoce tempo mi ta mucha y hoben como un di e futbolistanan, deportista disciplina, keto, decente, manera por a haya den **Juchi Jansen, Don Juan Perez y Janny Brokke** cu tabata grandi y semper deportistanan tranquil y disciplina.

Mey mey di decada 40 cu Feyenoord a bay Corsow, **Fabian** tabata cu entre otro, **Angel Chirino, Frans Kelkboom, Mateo Reyes, Chas Loefstok, Goy Frank, Mundo Kemp, Janny Brokke, Lobo Ridderstap, Hans Nahar**, cu a bay hunga na Corsow e tempo ey.

Mi a tuma contacto cu e "**archivista**" di futbol, **Sr. Mai Mateo**, cu semper a colabora na grandi cu mi pa trece pa mi algun potret di RCA tempo di **Fabian**, y el a trece dos album for di cual mi a saca algun.

Nos a papia di e **Damian center half, of stopper** di e tempo cu Aruba tabata hunga cu equipo di 5



delantero, cu links y rechtsbuiten, cu links y rechtsbinnen, mid voor, etc.

Awe tur e denominacionnan aki a cambia. Mey mey di tereno **Damian tabata e figura di parti wega**. Segun **Mai**, **Damian** tabata un di e hungadornan cu mas bo ta admira mey mey di tereno cu un talento natural. E tambe semper a admira **Damian** pa su disciplina, tranquilidad y simpleza, sin nunca cu un "**aire**" di "**ami ta!**".

Di **Mai** mi a tende cu **Damian** a hunga tambe pa **Arsenal**, despues di **RCA** cu **Inter Veterano**, cu **Deportivo** cu tabata cu hungadornan veterano di 60 aña di cual ta publica un potret aki tambe. Di **Mai** mi a logra algun potret di **Damian** den decada 50

cu **RCA** (di dos na man drechi di **Pader Romer**, riba un di e potretnan; por mire di dos na man robez "**gehurkt**" riba e foto di **Deportivo** di principio di decada 60, y por mire mey riba e foto di grupo di hende den stadion, dia di apertura di stadion y cu **RCA** a gana e torneo. E ta mey mey dilanti cu algo den man. Ta trata aki di hungadornan di **RCA**. Nos a perde aki otro di nos **astronan grandi** pero un di e **astronan** di kende lo ser papia pa hopi tempo pa motibo cu **futbolistanan grandi** manera nos hoyanan lubida, nos no ta haya facil mas. Forza ta bay na su familia y cu **Damian** sosega mes tranquil cu el a biba como persona.

Juby Naar.

TELEFONNAN DI DIARIO
582-6747- FAX 582-8551